



Ushbu xolatda "Buyurtmachi" amaldagi Tarifga binoan avtoullov sarf-xarajatlari uchun qo'shimcha haq to'lanishini kafolatlaydi.

2.6. "Buyurtmachi"ning jismoniy shaxslarga, bozor, savdo komplekslari va turar joylarga yo'naltirilgan jo'natmalarini manzilga etkazib berish uchun "Bajaruvchi" tomonidan qabul qilinmaydi.

### III. SHartnoma summasi va uni to'lash tartibi.

3.1. "Bajaruvchi" tomonidan "Buyurtmachi"ga ko'rsatiladigan feld'egerlik xizmatini uchun undiriladigan to'lov haqi miqdori tasdiqlangan Tariflar asosida belgilanadi. Mazkur shartnomani imzolovchi tarafning o'zaro kelishuviga muvofiq shartnoma summasi belgilanadi (ko'rsatiladigan feld'egerlik xizmatlari turlari bo'yicha to'lov haqi stavkasi tasdiqlangan tariflar ilova qilinadi).

3.2. Ushbu shartnomaning umumiy summasi o'zaro kelishuvga ko'ra, bir yilga **1500000 (besh million bech yuz ming so'mni tashkil etadi)**

3.3. "Bajaruvchi" tomonidan "Buyurtmachi"ga ko'rsatiladigan feld'egerlik xizmatlari va boshqa qo'shimcha ko'rsatilgan avtotransport xizmatlari uchun haq amaldagi tarif asosida taqdim etilgan hisob fakturaga asosan "Buyurtmachi" tomonidan har oyning 10-sanasi gacha amalga oshiriladi.

3.4. Shartnomaga ko'ra, feld'egerlik yoki qo'shimcha xizmatlar hajmi oshganligi uchun to'lov haqi miqdori, ya'ni shartnoma summasi o'zgarigan taqdirda, bartaraf etish uchun "Bajaruvchi" va "Buyurtmachi" o'rtasida buxgalterlar tomonidan taqqoslash dalolatnomasi tuzilib, imzolalanadi, muhr bilan mustahkamlanib, qarzdorlikni qoplash uchun o'zaro hisob-kitob amalga oshiriladi.

3.5. "Bajaruvchi" tomonidan tuzilgan shartnoma muddatida ko'rsatilgan xizmatlar hajmi oshganligi va shunga mutanosib, shartnoma summasi miqdori hamda oshgan taqdirda, tarafning o'zaro kelishuvi asosida amaldagi shartnomaga qo'shimcha kelishuv bitimi tuziladi va taraflar tomonidan ijro uchun qabul qilinadi.

3.6. "Buyurtmachi" tomonidan to'lov muddati kechiktirilgan yoki 90 kundan oshgan taqdirda "Bajaruvchi" o'z vakolati doirasida "Buyurtmachi"ning bankdagi hisob raqamidan mavjud qarz summasi (penya hisoblagan holda) inkasso topshiriqnomasi orqali undirib olishi mumkin.

### IV. «Bajaruvchi»ning huquq va majburiyatlari.

4.1. "Bajaruvchi" jo'natmalarini qabul qilib olingan vaqtda oluvchiga topshirilgan vaqtgacha ularga ishlov berish, vaqtincha saqlash, manzilga yuborish, transport vositasi (aviatsiya, temir yo'li, daryo transporti yoki avtotransport)da tashish jarayonida jo'natmalarining saqlanishini, butligini ta'minlash yuzasidan barcha zarur choralarini ko'rish majburiyatini o'z zimmasiga oladi.

4.2. "Bajaruvchi" "Buyurtmachi"dan qabul qilyotgan jo'natma (paketlar, posilka, banderol) nostondant, ya'ni belgilangan me'yordan hajmi katta, vazni og'ir yoki portlovchi, yong'in xavfsizligi qoidalariga zid ravishda shubha uyg'otgan taqdirda, bunday holda, jo'natmani qabul qilishni rad etish huquqiga ega.

4.3. "Bajaruvchi" jo'natmalarni (viloyat markaziga jo'lingan) O'zbekiston Respublikasi hududidagi viloyat markazlariga 72 soat mobaynida etkazib berish majburiyatini o'z zimmasiga oladi, dam olish va bayram kunlari bundan mustasno.

4.4. Qonun hujjatlari asosida Tariflar o'zgarigan taqdirda "Bajaruvchi" tomonidan "Buyurtmachi"ga yangi tahrirda tasdiqlangan Tariflar nusxasini o'z vaqtida taqdim etadi va ko'rsatilgan xizmatlar uchun qayta tasdiqlangan Tariflarga binoan hisob-kitob qilinadi.

4.5. "Bajaruvchi" zaruriyatiga ko'ra, "Buyurtmachi"dan qabul qilib olingan ayrim turdagi jo'natmalarni O'zbekiston Respublikasi Davlat Bojxona qo'mitasi va uning hududiy organlari yoki boshqa tegishli vakolatli organlardan mazkur jo'natmani manzilga etkazib berish uchun bojxona hududidan olib chiqishga ruxsatnoma rasmiylashtirib berishni talab qilish huquqiga egadir.

4.6. "Bajaruvchi" manzilga etkazib beriladigan maxsus jo'natmalarni qabul qilish, saqlash, qo'riqlash tartibini, shuningdek yuborilayotgan jo'natmalarni turlari va cheklangan normalarni ishlab chiqishi, jo'natish tartibini belgilashi hamda transport vositasi (aviatsiya, temir yo'li, daryo transporti yoki avtotransport)da tashishning ketma-ketligi va navbatini qat'iy belgilash huquqiga egadir.

### V. «Bajaruvchi»ning huquq va majburiyatlari.

5.1. "Buyurtmachi"ning faoliyati bo'yicha "Bajaruvchi" orqali yuboriladigan maxfiy paketlardagi jo'natmalarni, alohida maxsus hujjatlarni O'zbekiston Respublikasi Vazirlar Mahkamasining tegishli qaror va farmoyishi bilan tasdiqlangan me'yoriy hujjatlarda belgilangan qoidalariga, shuningdek maxfiy ish yuritish talablariga rioya qilgan holda rasmiylashtirish va "Bajaruvchi"ga topshirishga majburiy.

5.2. "Buyurtmachi" maxfiy bo'lmagan paketdagi jo'natmalarni standart talablarga muvofiq rasmiylashtirishi shart (konvertning chap yuqori burchagida: jo'natuvchining nomi, uning manzili, shahar, respublika; konvertning o'ng quyi qismida: oluvchining nomi, davlat, shahar uning manzili, telefon), manzil ko'rsatkichidan oldin «qayerdan» va «qayerga» («Kitinga») mazmunidagi yozuvlar kiritilishi kerak.

5.3. "Buyurtmachi" manzilga oid ma'lumotlarni va paketlardagi boshqa yozuvlarni axborot texnologiyalari vositalari (Komp'yuter)da bosmaxona usulida, siyoh yoki sharikli ruchka bilan aniq va tushumarli qilib (siyoh yoki pasta qora, ko'k yoki binafsha rangda bo'lishi kerak) yozishi shart. Oluvchining manzili qisqartirilmasdan yozilishi zarur.

5.4. Paketning orqa tomoniga "Buyurtmachi" konvert elimlangan chiziq bo'yicha barcha qopqoqlarda o'zining mastika muhri bilan tamg'alanishi va mustahkamlanishi shart.

5.5. "Buyurtmachi" va "Bajaruvchi"ning yuridik (pochta) manzillari, bank rekvizitlari, telefon raqamlari o'zgarigan taqdirda tomonlar bir-birini yozma ravishda xabardor qilish, o'zgartirilgan ma'lumotlarni taqdim etish majburiyatini o'z zimmasiga oladilar.

5.6. Agar jo'natmalar "Buyurtmachi"ning binosida qabul qilingan taqdirda, u o'z ofisida "Bajaruvchi"ga jo'natmalarni qabul qilish va ishlab berish, jo'natmalar bilan ishlashga moslashgan xona bilan ta'minlash majburiyatini oladi.

5.7. Agar jo'natmalar "Buyurtmachi"ning binosida qabul qilinsa "Buyurtmachi" kamida bir sutka oldin "Bajaruvchi"ga alohida buyurtma berish kerak.

5.8. "Buyurtmachi" ning faoliyatiga doir "Bajaruvchi" orqali yuboriladigan jo'natmalarining og'irligini standart talablarga muvofiq bo'lishi uchun "Buyurtmachi" vakilining shaxsan o'zi tarozida tortib ko'rish va o'lchov natijasini reestrlarda alohida qayd etish huquqiga egadir.

5.9. "Buyurtmachi" jo'natmalarni oluvchi manzilga etkazib, topshirilganligi to'g'risida "Bajaruvchi"dan yozma ma'lumotnoma olish huquqiga egadir.

### VI. Tomonlarning javobgarligi.

6.1. "Bajaruvchi" yoki "Buyurtmachi" tomonidan ushbu shartnoma shartlari va zimmasiga olgan majburiyatlarni amaldagi qonunlar, normativ-huquqiy hujjatlar asosida o'z vaqtida, sifatli va samarali bajarishlari shart.

Tarafardan biri shartnoma shartlarini bir tomonlama buzgan taqdirda, huquqbuzarlikka yo'l qo'ygan tomon ikkinchi tarafga etkazilgan zararni o'z hisobidan to'laydi.

6.2. Jo'natmalar "Bajaruvchi" tomonidan oluvchining manziliga o'z vaqtida etkazib berilmagan, kechiktirib etkazib berilgan yoki umumiy etkazib berilmagan taqdirda, u "Buyurtmachi"ga har bir kechiktirilgan kun uchun 0,5 foiz miqdorda, lekin o'z vaqtida etkazib berilmagan, kechiktirib etkazib berilgan yoki umumiy etkazib berilmagan jo'natmalar umumiy summasining 50 foizidan ko'p bo'lmagan miqdorda peniya to'laydi.

6.3. Oluvchining manzilga etkazilayotgan jo'natmalar "Bajaruvchi"ning aybli xatti-harakatlari (harakatsizligi) bilan shikast yoki ziyon etkazilgan taqdirda, qonun hujjatlarida belgilangan tartibda "Buyurtmachi"ga etkazilgan zararni to'laydi.

6.4. "Bajaruvchi" tomonidan ko'rsatilgan feld'egerlik va boshqa qo'shimcha xizmatlarga haq o'z vaqtida to'lanmaganligi uchun "Buyurtmachi" "Bajaruvchi"ga muddatida to'lanmagan yoki ayrim hollarda to'lashdan bosh tortgan summaning 15 foizi miqdorida jarima to'laydi.

6.5. Ko'rsatilgan xizmatlarga o'z vaqtida haq to'lanmaganligi uchun "Buyurtmachi" har bir kechiktirilgan kun uchun muddati o'tkazib yuborilgan to'lovning 0,4 foizi miqdorida, biroq muddati o'tkazib yuborilgan to'lov summasining 50 foizidan ortiq bo'lmagan miqdorda "Bajaruvchi"ga penya (jarima) to'laydi.

### VII. Qo'shimcha shartlar.

7.1. Mazkur shartnomaga ko'ra quyidagilar taqiqlanadi:

7.1.1 Ushbu shartnomaning 5.1, 5.2, 5.3, 5.4-bandalari ko'rsatilgan talablarni "Buyurtmachi" tomonidan buzilgan holda rasmiylashtirilgan jo'natmalarni oluvchi manzilga jo'natish.

7.1.2. "Bajaruvchi" orqali kontrabanda, radioaktiv, zaxarlovchi, portlash xavfi bo'lgan, tez alangalanadigan va O'zbekiston Respublikasi qonunchiligida taqiqlangan boshqa kimyoviy moddalar, norkotik moddalar va prekursorlar, shuningdek inson hayoti uchun xavfli bo'lgan bakteriyalar, hujayralar uvildurig'lari, zaharli o'simliklar va boshqa iste'mol (noise'mol) buyumlarini jo'natish.

### VIII. Fors-major.

8.1. «Bajaruvchi» fors-major holatlarda jo'natmalar yo'qolganligi yoki shikastlanganligi uchun "Buyurtmachi"ga javobgar bo'lmaydi, ya'ni:

8.1.1. Suv toshqini, yong'in, zilzila, kuchli dovul, sel ketishi, qor ko'chikisi sodir bo'lganda va boshqa tabiiy ofatlar yuz berganda,

8.1.2. Tabiiy ofatlar yuz bergan xollarda "Bajaruvchi"ning feld'egerlik xizmatini amalga oshiruvchi xodimi halok bo'lganda yoki xodimning xizmat vazifasini bajarishga to'sqinlik qiluvchi va oldini olib bo'lmaydigan favqulodda vaziyatlar sodir bo'lganda;